

Bosna i Hercegovina
Federacija Bosne i Hercegovine
TUZLANSKI KANTON
Ministarstvo finansija

Broj: 07/1-11- 23096/25
Datum: 11.08.2025. godine

Na osnovu člana 70. stav 1., 3. i 6. Zakona o javnim nabavkama („Sl. glasnik BiH“, broj: 39/14, 59/22 i 50/24), a na prijedlog Komisije za javnu nabavku imenovane rješenjem broj: 07/1-11-26908/25 od 22.07.2025. godine, Ministarstvo finansija, donosi:

ODLUKU o izboru najpovoljnijeg ponuđača

Član 1.

Prihvata se Preporuka Komisije za javnu nabavku data u Zapisniku o ocjeni ponuda broj: 07/1-11-26908-8/25 od 08.08.2025. godine u postupku javne nabavke električne energije za potrebe Ministarstva finansija provedenog putem konkurentskog zahtjeva za dostavu ponuda te će se ugovor zaključiti sa ponuđačem JP Elektroprivreda BiH d.d. Sarajevo, ul. Vilsonovo šetalište broj 15, Sarajevo, ID broj: 420022515005 za ponudenu cijenu od 20.758,37 KM bez PDV-a.

Član 2.

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku.

Član 3.

Ova Odluka objavit će se na web-stranici Ministarstva finansija istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke električne energije za potrebe Ministarstva finansija pokrenut je Odlukom o pokretanju postupka nabavke broj: 07/1-11-21734/25 od 18.07.2025. godine. Javna nabavka je provedena putem konkurentskog zahtjeva za dostavu ponuda.

Izbor ponuđača izvršen je na osnovu kriterija najniža cijena.

Procijenjena vrijednost javne nabavke bez PDV-a je 20.760,00 KM.

Obavještenje o nabavci broj: 111-7-1-17-3-18/25 objavljeno je na Portalu javnih nabavki 29.07.2025. godine.

Konkurentski zahtjev za dostavu ponude sa portala javnih nabavki je preuzelo ukupno 4 (četiri) ponuđača.

Komisija za javnu nabavku imenovana Rješenjem o imenovanju Komisije za javnu nabavku broj: 07/1-11-26908/25 od 22.07.2025. godine izvršila je otvaranje pristiglih ponuda dana 08.08.2025. godine u 12.00 sati i o istom sačinila Zapisnik o otvaranju ponuda, nakon čega je pristupljeno ocjeni ponuda.

Iz Zapisnika o ocjeni ponuda broj: 07/1-11-26908-8/25 od 08.08.2025. godine koji ujedno predstavlja i Izvještaj o radu Komisije kao i Preporuku o izboru najpovoljnijeg ponuđača utvrđeno je sljedeće:

- da je ukupan broj pristiglih ponuda 1 (jedna),
- da je blagovremeno zaprimljeno 1 (jedna) ponuda,

- da nema neblagovremeno zaprimljenih ponuda,
- da je pristigla ponuda ponuđača JP Elektroprivreda BiH d.d. Sarajevo prihvatljiva te da ista ispunjava uslove i zahtjeve predviđene konkurentskim zahtjevom za dostavu ponude te je sačinila rang listu ponuđača kako slijedi:

Redni broj	Naziv ponuđača	Ukupna cijena sa popustom bez PDV-a (KM)
1	JP Elektroprivreda BiH d.d. Sarajevo	20.758,37 KM

Održavanje e-aukcije bilo je predviđeno konkurentskim zahtjevom za dostavu ponude, a uzimajući u obzir činjenicu da je pristigla samo jedna ponuda koja je ocijenjena kao kvalifikovana, e-aukcija se nije zakazivala.

Shodno prethodno navedenom, Komisija za javnu nabavku je, nakon ocjene ponuda, predložila da se ugovor za nabavku električne energije zaključi sa ponuđačem JP Elektroprivreda BiH d.d. Sarajevo, ponuda broj: 04-27916-1/2025 po ponuđenoj cijeni u iznosu od 20.758,37 KM bez PDV-a za period od 12 mjeseci.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu pristiglih ponuda, shodno kriterijima iz konkurentskog zahtjeva.


Prilikom ocjene provedenog postupka, rukovodilac organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i konkurentskim zahtjevom.

Ponuđač JP Elektroprivreda BiH d.d. Sarajevo je ponudio cijenu od 20.758,37 KM bez PDV-a. Budući da je ponuda ponuđača JP Elektroprivreda BiH d.d. Sarajevo jedina koja je dostavljena te ujedno i prihvatljiva i ispunjava sve uslove i zahtjeve predviđene konkurentskim zahtjevom za dostavu ponude i u skladu sa članom 89. stav 1. Zakona, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba u roku od 5 (pet) dana od dana prijema Odluke. Žalba se podnosi ugovornom organu u pisanoj formi direktno ili preporučenom pošiljkom, u dovoljnom broju primjeraka, a koji ne može biti manji od tri, u skladu sa članom 99. i 101. stav 5. Zakona o javnim nabavkama BiH („Službeni glasnik BiH“ broj: 39/14, 59/22 i 50/24).



DOSTAVLJENO:

1x JP Elektroprivreda BiH d.d. Sarajevo

1x a/a